

Шарма

Кузь нэм да бур шуд!



гор

Эжва йывса войтырлөн газет


Петё 1929 восянь

Четверг, 2013 вося июль 11 лун 82 (10669)-өд №

Гусясысь киподтуйсё оз коль (коми шусьог)

Эжва йывлөн слава

Жорж Алексеевич Рокотянский



Чужис 1942 вося февраль 8 лунё Носимын. Усть-Куломской леспромхозлөн Носимса лесопунктын машинаён кыскис вөр, новлөдліс уджалысьясёс, ломтас-мавтас, лэптис керкаяс.

Гөтырыскөд быдтис да велөдис куйм челядьёс.

Уна вося бур уджысь сетисны «Уджывывса ветеран» да юбилейной медальяс, почёт грамотаяс.

Кувсис 1990 вося март 19 лунё Носимын.

ТӨДӨЙ, МЫЙ ВЫЛЫС

ВОЧАВИДЗИС РАЙОНСА ЮРАЛЫСЬ

Июль 2 лунё республикаса юралысьлөн района общественной примитанинын «веськыд линия» дырйи юаломъяс вылө вочавидзис районса юралысь Д.А.Шатохин.

Шыөдчылис 10 морт Куломдінысь, Носимысь, Донысь, Дереваннойысь, Ручысь, Вольдінысь. Юаломъяс вөлі йитчөмаёсь районын профилакторий, гортса техника дзоньталан шөрин, отувъя пывсян восьтөмкөд, 15 номера профессиональной училищелөн Кебанъяльса филиалын автомеханико велөдөмкөд, юрсиктын ва провод нюждөмкөд, Донын шөр туй да Куломдін-Руч туй дзоньталөмкөд да с.в.

Став юалом вылас юралысь сетис вочакыв. Лёсьөдөма урчитөмторъяслысь протокол, индөма олөмө пөртан кад да кывкутысьясёс.

ЗАПТИС НИН 20 ТОННА

Заптысьöны и крестьянин овмөсьяс.

Кольөм вежон помсянь Ичөт Аныбса крестьянин овмөс кутысь Михаил Вологжанин ытшкис 10 гектар. Зорөдалис видз вылө и вайис скөт карта дорө.

Донысь Сергей Тимушев выль техникаён заптис нин 20 тонна, ваяліс лөбулө.

МЕДБУРЪЯС КУЛОМДИНЫН ДА ОЗЪЯГЫН

Медводзаясь на районын Озъягса школаын велөдчысь Екатерина Скляр анлия кывйысь экзамен дырйи колана 100 баллысь босьтис 90-сө.

Куломдінысь Анастасия Ногиева да Озъягысь жө Светлана Рассыхаева роч кывйысь босьтисны 92 баллөн. Светлана школасө помалис зарни медальён. Куимнаныс көсьöны водзө велөдчыны вузьясын.

КУПАЙТЧЫНЫ И ГОЖЙӨДЧЫНЫ

Юрсиктын да Кебанъяльын воссисны купайтчанінъяс.

А Немдінын, Улыс Вочын, Носимын, Пожөгын, Помөсдінын, Вольдінын, Мысын, Куломдінын, Ручын, Дереваннойын, Керчомъяын да Зимстанын юяс дорын воссисны шойчанінъяс-гожйөдчанінъяс. Кольөм воын вөлі сөмын куимлаын. Эмөсь өлөдана пасьяс, мый уявны оз позь, юөръяса да правилөйяса гижөдъяс.

ВОДЗСАСЯМ КОЛОРАДОСА «ГӨСЬТКӨД»

Районса олысьяс өктöны-чукөртöны колорадоса гагъясөс да налысь номырясьсө.

Сортгустакө унаён шыөдчылисны тулыснас нин, кор картофель пуктөгөн му вылысь казялісны гагъясөс. Сидзкө, сійө бура төвйис да удитис пуктыны колькьясөс. Картофель вөдитысьяслы вотчан удж лөо урожай кертөдз. Он кө весав - колян мөд няньтөг.

ОТСАЛІСНЫ НЕМИНУЧАӨ ВЕСЬКАЛОМЪЯСЛЫ

Биысь видзчысян Куломдінса гарнизонлөн юкөнъяс июльын 12-ысь петалисны туйывса неминучаяс вылө.

А во джынйөн петалисны 54-ысь. Кыптыліс 168 морт, 54 машина. Медся унаысь - дасысь - петалисны Югыдъягса кусөдчысьяс. Сизимысь петалисны зимстансаяс, квайтысь - помөсдінсаяс.

Асланым да общ. корреспондентъяс, районлөн сайт вылысь.



Май 3 лунё пасйисны зарни көлысь Николай Александрович да Луиза Ивановна Мишариньяс. Пөсь кывъяс висьталісны матыссаяс, уджъяертъяс, төдсаяс. Семьяын пыр ыджыдалө муслун, өта-мөдөс пыдди пуктөм, гөгөрвоём. Гозъялөн озырлуныс - Елена да Ольга нывъяс, кодъясөс бура быдтисны-велөдисны. Елена помалис Пермса фармация институт, уджалө Куломдінса аптекаын. Ольга велөдчис гражданскöй авиациялөн

Ригаса институтын, госслужбалөн республикаса академияын. Семьянас олө Сыктывдін районса Вильгортын. Öнi ыджыд бать-мам вöсна төждысьöны нывъяс да внук-внучкаяс.

- Тшөкыда казтылаам водзза олөм, видзөдам снимокъяса альбом. Зарни көлысь дырся ыджыд снимок пыр син водзын, - шуда синъясөн видзөдліс верөс вылас да шуис Л.И Мишарина.

Гижөд да снимок
Марина ДАДАШОВАЛӨН.

КОМИ РЕСПУБЛИКАЫН

ДОНЪЯЛАСНЫ ТУЙЯС

Коми республикаын йөзөдисны конкурс, кодлөн могөн лөо туйяс нюждөм да транспортөн могмөдөм кузя местаяс урчитөм.

Медводз видзөдласны гөгөрбок талунъя туйяс да транспорт (трубопроводъясысь өтдор), төдмаласны, кызди төдчас вильлаө нюждөм йөзлөн да стрөйбаяслөн меститчөм, вөр-валөн озырлунъяс вылө.

Сидзжө сувтөдөма могөн лёсьөдны да подулавны вильлаө туйяс нюждөм йөзлысь да республикаса экономикалысь корөмъяс төдвылө босьтөмөн. Та дырйи артыштны Коми республикаөс 2020 воөдз со-

циально-экономическöя сөвмөдөм кузя стратегияён да 2020 воөдз Российской Федерацияса транспортной стратегияён урчитөмторъяс, 2020 воөдз уджалан вынъяс веськөдөм да сөвмөдөм кузя индөмторъяс.

2013-2014 воасын учөнöйяс донъяласны, кызди вермасны сөвмыны овмөдчөминъяс, видзөдласны, кутшөмөсь талунъя туйяс, кызди позьö воөдчыны местаяс вылөдз.

Видзөдлөм да донъялөм вылө мунас куим миллион шайт. Татшөм контрактлөн медводзза (медыджыд) доныс. Видзөдлан да донъялан удж нуөдөм могысь конкурслы кывкөртөд вөчасны август 21 лунө.

Светлана
БЫКОВСКАЯ.